

明代傳記叢刊・綜錄類②②
周駿富輯

海東逸史

十八卷

(清)翁洲老民撰

明文書局印行

孫序

洪惟我高宗純皇帝大公至正，度越百王；御批通鑑輯覽不削福藩位號，於分注且備列唐、桂二王本末附於後，以爲千古興亡鑑。至若魯王之延息海隅，則並不得列於小朝廷數，故載紀亦從其略。然而南日孤舟，結朱家殘局；流離瑣尾，猶之厓山一塊肉也。其間忠臣、義士，東浙爲多，有如張、沈諸公始終抗節，勢不能不行柴市之誅，我二祖列宗，未嘗不諒其忠於所事；易名之典，光照汗青，凡以立萬世臣極而寓教忠之至意也。於是明越遺獻、據所見聞、囊筆殘山賸水間、撮錄東荒碧血者，往往而有；若黎洲黃氏、謝山全氏先後譔述尤夥。大抵碑傳之文，而所見異詞、所聞異詞、所傳聞又異詞，容亦有未審者也。

自余與於慈谿縣志之役之二年，昭文鄒君文沅來攝縣事，出其藏籍，得海東逸史，蓋前此所未見也。爲書凡十有八卷。首監國紀，則正名而猶與以帝系也；次家人傳，傳監國諸妃，用歐陽氏五代史例也；次列傳，次忠義、次遺民，史體具焉。凡所敘述，大都身親見之，文尤雅馴。其微者，或不經見於他紀，賴以存孤忠介節之姓氏；而其著者亦足以參訂南雷、鮑埼之書，洵可貴也！署曰「翁洲老民」，計非行遯故臣，則亦山林枯槁、有心淨濯者，而惜乎其不可考也！

理庵楊檢討以詞曹星使告養家居，方勤於鄉邦文獻，尤重忠孝大節；亟鈔得副本，屬王君子祥及其次公繩孫孝廉校正而刻之。於乎！鱣波鯨島，陰火終燄，猿鶴蟲沙，久淪物化，而寫本孤行，不歸漸滅，卒表章於累洽重熙之代；自非大聖人量包天地、覆幬所存，久矣死灰殘劫，無復留此蠹蝕餘編，寄千秋感愴矣！

闕逢涪灘閏月甲辰朔，會稽孫德祖彥清謹序。

海東逸史目錄

卷一	監國紀(上).....	(一)
卷二	監國紀(下).....	(七)
卷三	家人傳.....	(七)
	烈妃某氏、義妃周氏、元妃張氏、貞妃陳氏(貴嬪張氏、義陽王妃杜氏)	
卷四	列傳一.....	(三)
	張國維(子世鳳)、朱大典(子萬化、孫珏、吳邦璿)、莊元辰、王思任	
卷五	列傳二.....	(七)
	余煌、陳函輝、陳潛夫(妻孟氏、妾孟氏)、朱繼祚、劉中藻(董世南)	
卷六	列傳三.....	(三)
	錢肅樂(董光遠)、錢肅圖、錢肅範(僕張貴)、錢肅遴(妻鮑氏)、錢肅典、熊汝霖(子琦)、孫嘉績(子延齡)、沈宸荃	
卷七	列傳四.....	(三)
	王之仁、張鵬翼(弟繼榮、徐洪珍)、蔣若來、鄭遵謙(弟遵儉、妾金四姐)	

、荆本徹(子元相)

卷八 列傳五

沈廷揚(子元泰、妾張氏、沈始元、蔡德、蔡耀、戴啓、施榮、劉金城、翁彪、朱斌、林樹、畢從義、陳邦定)、黃銘丹(妻施氏)、馮京第、徐孚遠(妻姚氏、子度遼)、陳士京

卷九 列傳六

王翊(蔣士銓、趙立言、立言子楨、石必正、明知)、王江(沈調倫)

卷十 列傳七

張肯堂(妾周氏、方氏、姜氏、畢氏、子婦沈氏、女孫茂漪、林志燦、林桂、吳士俊、家人張俊、彭欽)、蘇兆人、吳鍾巒(子福之)、李向中(子善毓)、朱永祐

卷十一 列傳八

黃斌卿、王朝先、周鶴芝(林籥舞、趙牧)、阮進(從子駿、陳雪之)、姚志卓(兄志元、方元章、張起芬)

卷十二 列傳九

張名振（母李氏、庶母范氏、妻馬氏、兄名甲、弟名揚、馬呈圖、馬貢圖、顧民楫、梁隆吉、焦文、文妻張氏、楊復葵）

卷十三 列傳十

（七五）

張煌言（子萬祺、甘輝、羅子木、僕楊冠玉）

卷十四 忠義一

（八一）

董志甯（妻羅氏、子士駿、士驥、僕文周）、華夏（妻陸氏玉辰）、張夢錫、王家勤、陸宇燦、毛聚奎、屠獻宸（妻朱氏）、楊文琦（妻沈氏）、楊文琮、楊文瓚（妻張氏玉如）、楊文球、董德欽、倪懋熹、徐啓睿、趙毅、李桐（子文昶、文昱）、路國挺、李文纘、杜懋俊、杜兆仙、施邦焮、魏耕（李達、楊遷、錢纘曾）、汪涵、張廷綬（李唐禧）、章有功、章欽臣（妻金氏）、戴爾惠

卷十五 忠義二

（九三）

傅巖（子齡文、齡發、齡熙）、王之拭、林汝轟、林塗（葉子器）、俞元良（兄元禮）、周宗彝（妻卜氏、妾朱衣、紫衣、弟啓琦）、湯芬、林崑、都廷諫、洪有文、鄔正畿、林逢經、王恩及（妻李氏）、王祈、沈履祥、陳世亨

卷十六 忠義三……………(九)

高岱(子朗)、葉如薇(妻王氏)、徐復儀、唐自綵(妻某氏、姪偕豫)、王玉藻(姚亦方)、周元懋、周元初、倪懋楷、朱養時、董廣生、楊鼎臣、林瑛(妻陳氏)、江用楫(妻某氏)、董玄、張家璧、朱萬年、顧珍、李開國(母某氏)、顧宗堯(母某氏)、顧玠、江中汜、陳所學、顧行、翁健、戴仲明、章有期、劉世勳、王朝相、劉朝

卷十七 忠義四……………(一〇七)

張槿、倪文徵、朱瑋、鄒欽光、鄒之琦、張君正、傅日炯(族父平公)、趙景麟、趙天生、周西、張成義、趙甸、葉尙高、朱錫齡、婁文煥、林世英、陳瑞芝(母李氏)、周容、朱金芝、紀五昌、趙自新

卷十八 遺民……………(一二五)

于穎、林時對、李長祥、黃宗羲、黃宗炎、陳希友、熊日繪、任廷責、沈崇堦、周齊曾、高字泰、盧若騰、沈文光、朱憲宗、徐桐、馮元颺、董守諭(原闕今補)、王正中(原闕今補)、章正宸(原闕今補)、朱之瑜(原闕今補)

海東逸史卷一

翁洲老民手稿

監國紀(上)

王諱以海，太祖第十子荒王檀九世孫也。父肅王壽鏞，以崇禎九年襲封；十二年薨，子以派嗣。十五年，北兵破兗州，自縊死。十七年二月，詔以王紹封。三月，京師陷，王避兵南下。五月，福王立於南京，命徙封江廣，暫駐台州。

乙酉五月，南京亡。踰月，潞王常汭監國於杭州，不數日出降（按小腆紀年：諸臣請監國，不受。明季南略云：杭人擁戴之；大兵至，即開門率衆降。是刻考異均註首見處，餘不復）。閏六月九日（按紀年：東陽兵起在諸義旅後，此或當作十九日），原任兵部尙書右僉都御史張國維自杭州來朝，請王監國。會故九江僉事孫嘉績、吏科給事中熊汝霖起兵餘姚、刑部員外郎錢肅樂起兵甯波、蘇松兵備僉事沈宸荃起兵慈谿，並奉表至台；而會稽諸生鄭遵謙亦起兵應之。既而定海總兵王之仁、翁洲參將黃斌卿、石浦游擊張名振各以本鎮兵來會。王遂赴紹興。

七月十八日（小腆紀年作閏六月十八日），王至紹興，行監國事。以分守公署爲行在。祭告天地、祖宗，以明年爲監國元年。立元妃張氏。上故皇太子號曰「悼皇帝」、弘

光帝曰「赧皇帝」、潞王曰「潞閔王」。進張國維少傅兼太子太傅、兵部尙書、武英殿大學士（按小腆紀年：時召直東閣，尋加是銜）。以朱大典、宋之普（南疆繹史作之溥）爲東閣大學士。國維督師江上，大典鎮守金華，之普司票擬。加孫嘉績、熊汝霖、錢肅樂、沈宸荃皆督師右僉都御史。以鄭遵謙爲中軍都督府左都督，以章正宸爲吏部尙書（原注：後紹興陷，棄家爲僧。南疆繹史云：起爲戶部左侍郎，行吏部事）、李白春（繹史作占春）爲戶部尙書、王思任爲禮部尙書、張文郁爲工部尙書、陳函輝爲禮部右侍郎（按小腆紀年：時擢少詹事；歸，尋遷是職）、陳潛夫爲太僕寺少卿。起原任右庶子余煌爲禮部右侍郎，不至。封嚴州總兵方國安（按小腆紀年：國安，浙人；或云舊輔逢年子）鎮東侯、定海總兵王之仁武甯侯（南疆繹史作武甯伯，十一月進封侯）。群臣皆奉表勸進；王曰：「孤之監國，原非得已。當俟展拜孝陵，徐議樂推未晚也」。賜鄞縣舉人張煌言進士出身，授翰林院編修（小腆紀年作八月事）。以原任紹興知府于穎爲按察使，行巡撫事。鑄大明通寶錢（小腆紀年作十二月事）。大學士宋之普謝政，起舊輔方逢年爲東閣大學士。張國維連復富陽、於潛（明季南略以復富陽爲七月事，小腆紀年以復於潛爲八月事）諸縣。命仁武伯姚志卓（小腆紀年作倬）守分水。

八月，原任兵部尙書田仰從海道至，拜東閣大學士。

九月，加按察使于穎右僉都御史，督師。

十月初二日，北兵至，方國安嚴陣以待，張國維率隊接應，裨將王國斌、趙天祥繼之，連戰十日，北兵敗去。以原任吏科都給事中林時對爲太常寺卿、原任刑部主事莊元辰爲吏科都給事中。

十一月，進方國安荊國公、王之仁甯國公；封鄭遵謙義興伯，尋進侯。議分餉分地。以編修張煌言爲兵科給事中，以太常寺卿林時對爲都察院右僉都御史、吏科都給事中莊元辰爲太常寺卿，加右僉都御史孫嘉績、熊汝霖並兵部右侍郎。閩中遣給事中劉中藻頒詔至，大學士張國維、侍郎熊汝霖等拒之（小腆紀年作十月事）。王發軍江上，駐蹕西興，築壇拜方國安爲大將，命各營皆守節制。馬士英、阮大鍼（按小腆紀年：士英字瑤草，貴陽人，中萬曆丙辰會試，又三年成進士；大鍼，懷甯人，萬曆丙辰進士）竄入方國安營請朝見，不許。

十二月，王回越城，以降臣故太僕卿謝三賓爲禮部尙書兼東閣大學士。頒監國魯元年大統曆，職方主事黃宗羲所造也。

監國魯元年丙戌正月己酉朔，王在紹興。遣原任天津參政柯夏卿（原注：號遜庵，黃巖人，進士）、太常少卿曹維才使閩中。以原任右庶子余煌爲兵部尙書，加右僉都御史錢肅樂爲兵部右侍郎。

二月，叛將張國柱掠餘姚，其部曲張邦甯掠慈谿。總兵陳梧敗於樵李，自乍浦浮海

至餘姚，大掠；職方主事王正中方行縣事，集民兵擊殺之。閩中遣僉都御史陸清源解餉十萬給浙東，方國安縱兵攫之，拘清源不遣（小腆紀年云：字嗣白，平湖人，崇禎甲戌進士；爲國安所殺。勝朝殉節諸臣錄云：江防潰，投江死，國朝賜諡忠節），蓋馬、阮所構也（明季南略及紀年，並以爲在錢塘江戰後）。

三月十九日，毅宗大祥；戶部主事（原作郎中，據第十八卷補傳正）董守諭請王哭臨，三軍縞素一日，從之。北兵決壩，放船入錢塘江。張國維嚴飭各營守汛，王之仁、鄭遵謙率水師襲戰，敗之（小腆紀年作是月朔日事）。平海將軍周鶴芝議乞師日本，黃斌卿止之。

四月，王正中率師渡海鹽，破澈浦城（小腆紀年作三月事）。

五月，兵部右侍郎錢肅樂棄軍之舟山。都督（鄞縣志作總兵）陳謙奉使至閩中，爲御史錢邦芑所劾，被殺。加兵部右侍郎孫嘉績戶部尚書（據第六卷本傳，四字疑衍），熊汝霖兵部尚書，並兼東閣大學士。尚寶寺卿朱大定、太僕寺卿陳潛夫、兵部主事黃宗義、吳乃武、查繼佐等會師渡海割潭山（南疆釋史作海壇山），以江上兵潰，乃還。

六月丙子朔，江上兵潰。方國安、馬士英等欲劫王投降，遣人守之；會守者病，王得脫，乃由江門出海，令保定伯毛有倫扈元妃、世子自定海出海（明季南略作五月二十八日事，小腆紀年作二十七日事）。大學士張國維、兵部尚書余煌、禮部右侍郎（勝朝殉

節諸臣錄作兵部左侍郎（陳函輝、通政使吳從魯（小腆紀年云：字金堂，山陰人，萬曆丙辰進士，官通政司左參議）、大理（原作太僕，據第五卷本傳正）寺少卿陳潛夫、翰林院編修復儀（紀年以爲唐藩遇害後死）、江西道御史傅巖、兵部主事高岱、葉如蒞（紀年以作汝蒞，一作汝蘅）、原任山西僉事鄭之尹、諸生傅日炯、趙景麟等皆死之，方逢年、謝三賓、宋之普、方國安及馬士英、阮大鍼等並降。甯國公王之仁泛海至金陵，死之。北兵破金華，大學士朱大典闔門死之。富平將軍張名振棄石浦，以舟師扈王出海，投肅虜伯黃斌卿；斌卿不納。永勝伯鄭彩至舟山，奉王入閩。叛將張國柱攻舟山，爲水營將阮進所敗，劫元妃、世子去（以上三事，小腆紀年並繫九月內）。

二十四日，大學士孫嘉績卒。

八月十一日，建甯陷，僉事倪懋燾死之。

二十七日，閩中陷，唐藩出奔汀州，爲北兵所殺（按小腆紀年：唐藩名聿鍵，小字長壽，太祖九世孫。二十一日自延平出奔，二十四日大兵取延平及天興府，追殺於汀州之府堂，時二十八日也）。

九月，以兵科給事中張煌言爲右僉都御史（按小腆紀年，以明年正月進是職）。

十月丁酉，王發舟山。

十一月丙寅，王次廈門（南疆繹史稱中左所，亦名鷺門）。時鄭芝龍（小腆紀年云：

字飛皇，小字一官，福建南安縣石井人。已降北，令彩執王以降；彩不從。芝龍之子成功不肯隨父，復建義海上，而以廈門爲營；然亦不欲奉王，改明年爲隆武三年。於是鄭彩改次長垣，改明年爲監國二年。海上遂有二朔。

海東逸史卷二

翁洲老民手稿

監國紀(下)

二年丁亥正月癸卯朔，王在長垣。

辛未，王禱牙出師。提督楊耿、總兵鄭聯皆以兵來會。進鄭彩建國公，封張名振定西侯、楊耿同安伯、鄭聯定遠伯、周瑞閩安伯、周鶴芝平夷（小腆紀年作彝）伯、阮進蕩胡（紀年作湖）伯、阮駿英義伯。以原任雲南僉事林汝翥爲兵部右侍郎。周鶴芝復海口，以參議（小腆紀年作參謀）林簫舞、總兵趙牧守之。進冊貴嬪陳氏（小腆紀年作張氏）爲元妃。

二月壬申朔，克海澄。明日，攻漳平（南疆繹史作漳州。按漳平屬龍巖州，此疑譌），失利。又明日，北兵攻海澄，南師退入於海。

丙子，克漳浦，以閩人洪有文（南疆繹史云：饒州人。同安阮旻錫夕陽寮稿作有楨，字亮士，嘉禾里人）爲令；五日復陷，有文死之。鄖西王常澌（小腆紀年作常潮，事在四月。常澌爲貴溪王，明年二月永甯寨破，死）復建甯，其裨將王祈（南疆繹史作祁）復邵武。

三月，兵部右侍郎林汝彝、吏部員外郎林盜合兵攻福清不克，死之（小腆紀年作十月事）。

四月，海口陷，參議林籥舞、總兵趙牧死之；周鶴芝退保火燒壘。吳淞提督吳勝兆反正，命定西侯張名振率舟師赴之，以兵部（小腆紀年作戶部）右侍郎沈廷揚、右僉都御史張煌言、給事中徐孚遠、御史馮京第監其軍。抵崇明，舟覆，名振等從間道脫歸；廷揚被執，死之。

六月，攻漳州，失利。王至琅江，錢肅樂來朝，拜兵部尚書。以閩中原任太僕寺卿劉沂春爲右副都御史、原任廣東糧道（小腆紀年稱副使，第十卷本傳同）吳鍾巒爲通政使（按紀年以十月召用），並以錢肅樂薦也。

七月，王親征。會鄭彩、周瑞、周鶴芝、阮進之師攻福州，敗績。

八月丙戌，克連江（按小腆紀年，是日遣兵襲連江）。以右僉都御史沈宸荃爲兵部尚書（按小腆紀年，以十月進是職），以閩中原任溫州巡撫劉中藻爲兵部尚書、武英殿（按小腆紀年，於是年正月授職兼東閣）大學士。

十月，長樂、永福、閩清皆下，羅源知縣朱丕承、甯德知縣錢楷皆以城來降（按小腆紀年，九年遣兵復羅源，又復連江，於是長樂、永福、閩清諸城皆下）。以閩中原任戶部侍郎林正亨爲戶部尚書、僉都御史余颺爲左都御史、御史林嵎爲吏科給事中、禮部